

Հաստատված է
ՀՀ բանկերի միության ժողովի
2014թ. հունիսի 30 որոշմամբ

Կազմված է 6 քերթից

Տպագրված է 5 օրինակ

Օրինակ N 4



ՀԲՄ նախագահի՝ Ս. Նզմաչյան

«ՀԱՅԱՍՏԱՆԻ ԲԱՆԿԵՐԻ ՄԻՈՒԹՅԱՆ

ՖԻՆԱՆՍԱԿԱՆ ԱՐԲԻՏՐԱԺ»

ՀԻՄՆԱՐԿԻ

ԿԱՆՈՆԱԴՐՈՒԹՅՈՒՆ

(Նոր խմբագրությամբ)

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. Հայաստանի բանկերի միության (այսուհետ՝ ՀԲՄ) Ֆինանսական արբիտրաժ հիմնարկը (այսուհետ նաև՝ ՀԲՄ Ֆինանսական արբիտրաժային դատարան), ՀԲՄ կողմից ստեղծված, մշտապես գործող Արբիտրաժային դատարան է՝ հիմնարկի կարգավիճակով:
- 1.2. ՀԲՄ Ֆինանսական արբիտրաժային դատարանն իր գործունեությունն իրականացնում է «Առևտրային արբիտրաժի մասին» Հայաստանի Հանրապետության օրենքի, ՀՀ այլ օրենքների և իրավական ակտերի, սույն կանոնադրության, ՀԲՄ խորհրդի կողմից հաստատվող կանոնակարգերի հիման վրա:
- 1.3. «Հայաստանի բանկերի միության ֆինանսական արբիտրաժ» հիմնարկը իրավաբանական անձ չէ:
- 1.4. ՀԲՄ Ֆինանսական արբիտրաժային դատարանի անվանումն է՝
 - հայերեն լրիվ՝ «Հայաստանի բանկերի միության Ֆինանսական արբիտրաժ» հիմնարկ,
 - հայերեն կրճատ՝ «ՀԲՄ Ֆինանսական արբիտրաժային դատարան»
 - ռուսերեն լրիվ՝ Финансовый арбитраж Союза банков Армении
 - ռուսերեն կրճատ՝ Финансовый арбитражный суд СБА
 - անգլերեն լրիվ՝ Financial Arbitrage of Union of Banks of Armenia
 - անգլերեն կրճատ՝ Financial Arbitration Court of UBA
- 1.5. ՀԲՄ Ֆինանսական արբիտրաժային դատարանն ունի իր հայերեն անվանմամբ կլոր կնիք: Ֆինանսական արբիտրաժային դատարանը կարող է ունենալ իր անվանմամբ ձևաթղթեր, խորհրդանիշ և անհատականացման այլ միջոցներ:
- 1.6. ՀԲՄ ֆինանսական արբիտրաժային դատարանի գտնվելու վայրն է՝
ք. Երևան, Կորյունի 19 Ա:
- 1.7. «Հայաստանի բանկերի միության Ֆինանսական արբիտրաժ» հիմնարկը ստեղծված է համարվում ՀԲՄ խորհրդի կողմից սույն կանոնադրության հաստատման պահից և ենթակա է հաշվառման օրենսդրությամբ սահմանված կարգով:

2. ՀԲՄ ՖԻՆԱՆՍԱԿԱՆ ԱՐԲԻՏՐԱՅԻՆ ԴԱՏԱՐԱՆԻ ԻՐԱՎԱՍՈՒԹՅՈՒՆԸ

- 2.1. ՀԲՄ Ֆինանսական արբիտրաժային դատարանի իրավասությանը ենթակա են առևտրային հարաբերություններից բխող այն վեճերը, որոնց լուծումը կողմերը վերապահել են ՀԲՄ ֆինանսական արբիտրաժային դատարանին (ՀԲՄ «Ֆինանսական արբիտրաժ» հիմնարկին)՝ այդ մասին կնքելով արբիտրաժային համաձայնություն:
- 2.2. Կողմերի արբիտրաժային համաձայնության առկայության դեպքում ՀԲՄ Ֆինանսական արբիտրաժային դատարանն ղիմելու իրավունք ունեն Հայաստանի Հանրապետության քաղաքացիները, ներառյալ՝ անհատ ձեռնարկատերերը, իրավաբանական անձիք, օտարերկրյա քաղաքացիները (քաղաքացիություն չունեցող անձինք) և իրավաբանական անձինք:

3. ՀԲՄ ՖԻՆԱՆՍԱԿԱՆ ԱՐՔԻՏՐԱԺԱՅԻՆ ԴԱՏԱՐԱՆԻ ԳՈՐԾՈՒՆԵՈՒԹՅԱՆ ՍԿԶԲՈՒՆՔՆԵՐԸ

3.1. ՀԲՄ ֆինանսական արքիտրաժային դատարանի գործունեությունը հիմնվում է օրինականության, արքիտրաժային տրիբունալի անկախության, օրենքի և արքիտրաժային տրիբունալի առջև քաղաքացիների, իրավաբանական անձանց հավասարության, կողմերի մրցակցության և իրավահավասարության, վեճերի օբյեկտիվ, բազմակողմանի, անկողմնակալ, արագ և պրոֆեսիոնալ քննության սկզբունքների վրա:

4. ՀԱՅԱՍՏԱՆԻ ԲԱՆԿԵՐԻ ՄԻՈՒԹՅԱՆ ՖԻՆԱՆՍԱԿԱՆ ԱՐՔԻՏՐԱԺ ՀԻՄՆԱՐԿԻ ԳՈՒՅՔԸ ԵՎ ԴՐԱ ՏԻՐԱՊԵՏՄԱՆ, ՕԳՏԱԳՈՐԾՄԱՆ, ՏՆՕՐԻՆՄԱՆ ԿԱՐԳԸ

4.1. «Հայաստանի բանկերի միության Ֆինանսական արքիտրաժ» հիմնարկը ՀՀ օրենքներով և այլ իրավական ակտերով, ՀՀ կողմից կնքված և վավերացված միջազգային պայմանագրերով (համաձայնագրերով), սույն կանոնադրությամբ և այլ իրավական ակտերով սահմանված խնդիրների լուծման և հիմնարկի բնականոն գործունեությունը ապահովելու համար տիրապետում, օգտագործում և տնօրինում է իրեն ամրակցված գույքը, այդ թվում ֆինանսական միջոցները:

4.2. «Հայաստանի բանկերի միության Ֆինանսական արքիտրաժ» հիմնարկի ֆինանսական միջոցներն ու գույքը օգտագործվում և տնօրինվում են ՀԲՄ գործադիր մարմնի ղեկավարի կողմից՝ ՀԲՄ-խորհրդի հաստատված ծախսերի նախահաշվի շրջանակներում:

4.3. «Հայաստանի բանկերի միության Ֆինանսական արքիտրաժ» հիմնարկի գույքը ձևավորվում է ՀԲՄ-ի կողմից վերջինիս կանոնադրությամբ սահմանված կարգով հիմնարկին ամրացված գույքից և գումարներից, արքիտրաժային վճարներից, հիմնարկին հատկացվող այլ գումարներից, ինչպես նաև օրենսդրությամբ չարգելված այլ եղանակներով ձեռք բերվող միջոցներից:

4.4. Օրենքով և սույն կանոնադրությամբ սահմանված կարգով ՀԲՄ Ֆինանսական արքիտրաժային դատարանի գործունեությունից առաջացած դրամական միջոցներն առաջնահերթության կարգով ուղղվում են ՀԲՄ Ֆինանսական արքիտրաժային դատարանի անխափան գործունեությունն ապահովելուն :

5. «ՀԱՅԱՍՏԱՆԻ ԲԱՆԿԵՐԻ ՄԻՈՒԹՅԱՆ ՖԻՆԱՆՍԱԿԱՆ ԱՐՔԻՏՐԱԺ» ՀԻՄՆԱՐԿԻ ԿԱՌՈՒՅՎԱԾՔԸ

5.1.1. «Հայաստանի բանկերի միության Ֆինանսական արքիտրաժ» հիմնարկի կառուցվածքն ու հաստիքացուցակը /ՀԲՄ հաստիքացուցակի մեջ ներառված/ հաստատում է ՀԲՄ խորհուրդը:

5.1.2. ՀԲՄ Ֆինանսական արքիտրաժային դատարանն ունի նախագահ և արքիտրներ:

5.1.3. ՀԲՄ Ֆինանսական արքիտրաժային դատարանի նախագահը, որը համարվում է նաև արքիտր, նշանակվում է ՀԲՄ խորհրդի կողմից՝ երեք տարի ժամկետով:

- 5.1.3.1. ՀԲՄ Ֆինանսական արբիտրաժային դատարանի նախագահի թեկնածու կարող է լինել բարձրագույն իրավաբանական կրթությամբ /մագիստրոսի կոչումով/, ֆինանսաբանկային համակարգի առնվազն հինգ տարվա ընդհանուր աշխատանքային կամ իրավաբանական խորհրդատվության փորձ և դատաիրավական գործունեության փաստացի փորձ ունեցող անձը:
- 5.1.4. ՀԲՄ խորհուրդը կարող է սահմանել ՀԲՄ ֆինանսական արբիտրաժային դատարանի նախագահի ընտրության այլ չափանիշներ և ընթացակարգեր:
- 5.1.5. ՀԲՄ Ֆինանսական արբիտրաժային դատարանի նախագահի լիազորությունները կարող են վաղաժամկետ դադարեցվել ՀԲՄ խորհրդի կողմից, եթե վերջինս կորցրել է իր հեղինակությունը:
- 5.1.6. ՀԲՄ Ֆինանսական արբիտրաժային դատարանի արբիտրներ կարող են լինել բարձրագույն իրավաբանական կրթություն /մագիստրոսի կոչում/, ֆինանսաբանկային համակարգի առնվազն երեք տարվա ընդհանուր աշխատանքային կամ իրավաբանական խորհրդատվության փորձ և դատաիրավական գործունեության փաստացի փորձ ունեցող անձինք:
- 5.1.7. ՀԲՄ խորհուրդը կարող է սահմանել ՀԲՄ ֆինանսական արբիտրաժային դատարանի արբիտրների ընտրության այլ չափանիշներ և ընթացակարգեր:

6. «ՀԱՅԱՍՏԱՆԻ ԲԱՆԿԵՐԻ ՄԻՈՒԹՅԱՆ ՖԻՆԱՆՍԱԿԱՆ ԱՐԲԻՏՐԱԺ» ՀԻՄՆԱՐԿԻ ԿԱՌԱՎԱՐՈՒՄԸ

- 6.1. «Հայաստանի բանկերի միության Ֆինանսական արբիտրաժ» հիմնարկի ընդհանուր կառավարումը, որպես հիմնադիր, իրականացնում է ՀԲՄ-Ն՝ օրենքներով, իր և սույն կանոնադրությամբ սահմանված կարգով:
- 6.2. «Հայաստանի բանկերի միության Ֆինանսական արբիտրաժ» հիմնարկի կառավարմանը վերաբերող բոլոր իրավասությունները ՀԲՄ անունից իրականացնում են ՀԲՄ խորհուրդը կամ ՀԲՄ գործադիր մարմնի ղեկավարը՝ համաձայն ՀԲՄ-ի և սույն կանոնադրությունների, ներքին ընթացակարգերի:

6.3. ՀԲՄ խորհրդի իրավասության հարցերն են.

- 6.3.1. «Հայաստանի բանկերի միության Ֆինանսական արբիտրաժ» հիմնարկի կանոնադրության, կանոնակարգի, ներքին ընթացակարգերի հաստատումը, դրանցում փոփոխությունների և լրացումների կատարումը, ինչպես նաև դրանց նոր խմբագրությամբ հաստատելը:
- 6.3.2. ՀԲՄ Ֆինանսական արբիտրաժային դատարանի նախագահի նշանակումը և նրա լիազորությունների վաղաժամկետ դադարեցումը, վարձատրության չափի որոշումը:
- 6.3.3. ՀԲՄ Ֆինանսական արբիտրաժային դատարանի արբիտրների կազմի՝ անվանացուցակի հաստատումը, դրանում փոփոխություններ կատարելը, արբիտրների լիազորությունների վաղաժամկետ դադարեցումը:

- 6.3.4. ՀԲՄ գործադիր մարմնի ղեկավարի ներկայացմամբ՝ ՀԲՄ Ֆինանսական արբիտրաժային հիմնարկի վարչակազմակերպական կառուցվածքի և հաստիքացուցակի հաստատումը:
- 6.3.5. ՀԲՄ Ֆինանսական արբիտրաժային դատարանի գործունեության դադարեցումը,
- 6.3.6. ՀԲՄ գործադիր մարմնի ղեկավարի ներկայացմամբ «Հայաստանի բանկերի միության Ֆինանսական արբիտրաժ» հիմնարկի ծախսերի նախահաշվի, ինչպես նաև դրա կատարողականի հաստատումը:
- 6.3.7. «Հայաստանի բանկերի միության Ֆինանսական արբիտրաժ» հիմնարկի գործունեության հետ կապված՝ ՀՀ օրենսդրությամբ և սույն կանոնադրությամբ ՀԲՄ խորհրդին վերապահված այլ լիազորությունների իրականացումը:
- 6.3.8. ՀԲՄ խորհրդի մի շարք իրավասություններ կարող են լիազորվել ՀԲՄ Գործադիր մարմնի ղեկավարին:

6.4. ՀԲՄ Գործադիր մարմնի ղեկավարի իրավասության հարցերն են .

- 6.4.1. ՀԲՄ գործադիր մարմնի ղեկավարը, դա ՀԲՄ նախագահն է, եթե վերջինս ընտրվել է ՀԲՄ ընդհանուր ժողովի կողմից և գործադիր տնօրենը, եթե ՀԲՄ Նախագահն ընտրվել է ՀԲՄ խորհրդի կողմից:
- 6.4.2. ՀԲՄ գործադիր մարմնի ղեկավարը որոշում է «Հայաստանի բանկերի միության Ֆինանսական արբիտրաժ» հիմնարկին ամրացվող գույքի կազմը և չափը, հաստատում է «Հայաստանի բանկերի միության Ֆինանսական արբիտրաժ» հիմնարկի ֆինանսական հաշվետվությունները, իրականացնում հիմնարկի ֆինանսական միջոցների կառավարումը, ՀԲՄ խորհրդի հաստատմանն է ներկայացնում Հիմնարկի ծախսերի նախահաշիվն ու դրա կատարողականները:
- 6.4.3. Աշխատանքի է ընդունում և աշխատանքից ազատում է «Հայաստանի բանկերի միության Ֆինանսական արբիտրաժ» հիմնարկի աշխատողներին՝ հաշվի առնելով ՀԲՄ Ֆինանսական արբիտրաժային դատարանի նախագահի կարծիքը:
- 6.4.4. Կիրառում է խրախուսման և կարգապահական պատասխանատվության միջոցներ՝ «Հայաստանի բանկերի միության Ֆինանսական արբիտրաժ» հիմնարկի աշխատողների նկատմամբ՝ հաշվի առնելով ՀԲՄ Ֆինանսական արբիտրաժային դատարանի նախագահի կարծիքը:
- 6.4.5. ՀՀ օրենսդրությամբ, սույն կանոնադրությամբ և ՀԲՄ Ֆինանսական արբիտրաժի Կանոնակարգով ու ներքին ընթացակարգերով, ՀԲՄ գործադիր մարմնի ղեկավարին վերապահված և կամ ՀԲՄ Խորհրդի կողմից պատվիրակված այլ լիազորությունների իրականացումը:

7. ՀԲՄ ՖԻՆԱՆՍԱԿԱՆ ԱՐԲԻՏՐԱԺԱՅԻՆ ԴԱՏԱՐԱՆԻ ՆԱԽԱԳԱՀԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

7.1. ՀԲՄ Ֆինանսական արբիտրաժային դատարանի նախագահը՝

- 7.1.1. Ղեկավարում և կառավարում է ՀԲՄ ֆինանսական արբիտրաժային դատարանի դատավարական ընթացիկ գործունեությունը, բացառությամբ այն հարցերի, որոնք Օրենքով և սույն կանոնադրությամբ վերապահված են ՀԲՄ-ի իրավասությանը.
- 7.1.2. Առանց լիազորագրի ներկայացնում է ֆինանսական արբիտրաժային դատարանը Հայաստանի Հանրապետությունում և արտասահմանում.
- 7.1.3. Ունի ՀԲՄ ֆինանսական արբիտրաժային դատարանի արբիտրին վերապահված բոլոր լիազորությունները.
- 7.1.4. Կազմակերպում է արբիտրաժային դատավարության պրակտիկայի ուսումնասիրումը և ամփոփումը, ՀԲՄ ֆինանսական արբիտրաժային դատարանում քննված գործերի վիճակագրության վարումը.
- 7.1.5. Ապահովում է ՀԲՄ ֆինանսական արբիտրաժային դատարանի բնականոն գործունեության կազմակերպումը.
- 7.1.6. Իրականացնում է սույն կանոնադրությունից և ՀԲՄ ֆինանսական արբիտրաժային դատարանի կանոնակարգից և ներքին ընթացակարգերից բխող այլ լիազորություններ:
- 7.2. ՀԲՄ Ֆինանսական արբիտրաժային դատարանի նախագահն օրենքով սահմանված կարգով գույքային պատասխանատվություն է կրում իր հակաօրինական գործունեության արդյունքում ՀԲՄ-ին և ՀԲՄ Ֆինանսական արբիտրաժային դատարանին պատճառված գույքային վնասի համար: ՀԲՄ Ֆինանսական արբիտրաժային դատարանի նախագահի լիզորությունների դադարեցումը չի կարող հիմք հանդիսանալ պատճառված նյութական վնասները հատուցելու պարտավորությունները չկատարելու համար:
- 7.3. ՀԲՄ ֆինանսական արբիտրաժային դատարանի նախագահի բացակայության դեպքում նրա լիազորություններն իրականացնում է ֆինանսական արբիտրաժային դատարանի նախագահի տեղակալը կամ արբիտրների անվանացուցակում ընդգրկված արբիտրներից մեկը՝ ՀԲՄ խորհրդի նախագահի հաստատմամբ:

8. ՀԲՄ ՖԻՆԱՆՍԱԿԱՆ ԱՐԲԻՏՐԱԺԱՅԻՆ ԴԱՏԱՐԱՆԻ ԳՈՐԾՈՒՆԵՈՒԹՅԱՆ ԴԱԴԱՐԵՑՈՒՄԸ

- 8.1. ՀԲՄ Ֆինանսական արբիտրաժային դատարանի գործունեությունը դադարում է օրենսդրությամբ և սույն կանոնադրությամբ սահմանված կարգով:
- 8.2. ՀԲՄ Ֆինանսական արբիտրաժային դատարանի գործունեությունը համարվում է դադարած՝ այդ մասին ՀԲՄ խորհրդի որոշումն ուժի մեջ մտնելու պահից: